



願文集

三

特別
ハ4
6210
3



114
6210
3

願文集

三





永陽門院

請諷誦事

三寶衆僧御布施麻布三百端

右奉仰儀

前禪定法皇薛朗風臺之仙居證滿月輪之佛界以
降楚慟未休同閔云到是以西竺之善逝一鋪四繪
之南膜之妙偈一部模寫之所迎者金高之初律也
式叩秋分所施者白麩之餘資也式與夏臘乃至無
邊皆斯無漏者謹奉仰所修如件敬白

嘉元三年七月十日

別當正二位

永陽門院

奉圖繪釋迦如來像一鋪

奉模寫色紙妙法蓮華經一部八卷

此經者灑

先皇之遺書為真文之紙

奉模寫淨土三部經八部

善道釋九帖

斯疏模寫者同灑御書也

奉手自書寫稱讚淨土經一卷

斯經者亦翻

先靈之妙迹所勸第...短毫...

之鄭重福豈唐指乎

右奉 仰備夫大覺朗然之月輝圓照於虛空海之

端倪一實真如之花約慧業於塵砂劫之久遠云佛

云經可仰可歸者乎伏惟後深草先院者與三辰比

明與二儀合德昭華受珠而多載久開紫禁闕之宸

居政李决機而萬端遂繼白河院之曩躅汾陽之風

汾陽之水之樂其心春秋斷當聖曆太上之子太上之

孫面觀其禮和漢未聞先規加之銀榜之儲皇者又

之不朽禮鸞王之尊而一日直哀恫先親菩提之因
又會誓皇女之彰賢名也猶暗他生追實之道今之
所修者古之所慙也然則聖壇十善之勞緣不可空
速昇究竟即之妙位萬宇之相印不可隔再叶利衆
生之方便乃至法界悉除苦塵者奉仰所修如件敬
白

嘉元三年七月十日 別當正二位藤

草太学頭雅範朝臣

清書按察使大納言

料紙紫 裏濃 有薄 裏霰
面薄 御服解之裏霰 竅中有薄糸雖
有例猶不可然

玄暉門院

請諷誦事

三寶衆僧御布施 麻布三百端

右奉 仰備

先皇聖靈成佛得道以降位咽千行之悲淚徐迎一

迴之忌景是以弥陀極樂曼荼羅頭淨土之變相釋
尊所說法華經跋真門之模寫屬涼秋而叩秋分之
響拍和南而合南膜之掌然則願思金花洞之...
莫執昭花之昔榮願託金蓮臺之佛...宜證妙蓮之
今榮迴向無邊利益不限者
奉 仰所修如件敬白

嘉元三年七月十日別當正二位權大納言兼隱出羽^表使藤原朝實^表奉

內裏御願文也加墨之奈
如何公衝依為御願文
周閱之間不如墨

敬白

奉圖繪極樂曼陀羅一鋪
奉模寫色紙妙法蓮華經一部八卷

無量義經一卷
觀音賢經一卷
阿彌陀經一卷
般若心經一卷

翻 聖堂之 勅書妙法之摺寫 偏資菩提
之良因只仰蓮偈之利益而已

奉模寫素紙妙法蓮華經七部五十六卷

無量義經七卷

觀普賢經七卷

阿彌陀經七卷

般若心經七卷

奉書寫紺紙金字阿彌陀經六卷

此內三卷者寮弟子之中襟加

上皇之宸筆依為淨土之券契殊顯入本之

精妙同以

舊院之書札更為真門之新紙昨幸及御不豫

兮所賜今度當于一迴兮增悲擊讀而雖催紅

淚染成而奉寫紺字者也

以前作善大概只且夫六八願莊嚴之土遙過十方

諸佛之淨刹唯一乘開顯之門遠除三畏衆生之垢

塵無為無漏之妙果也無量而不可量難解難入之

實語也難值而是通伏惟

前禪定法皇歸彼佛兮久憑超世之誓持此經兮專

運多幸之信朝々跋勤行矣積薰修於茨山之花衣

々癡觀念焉羨光燭於蓮刹之月在北辰金闕之首

猶蓄十善之戒香排南天鐵塔之時刹傳三密之惠

炬於是弟子稟相門之餘胤配射岫之齊醴備
國母之尊禮而儼芝砌之徽號蒙

法皇之厚恩而誇茅土之益封

太上少陽之施明德也共悅子孫之榮慶焉

仙院公主之抽至孝也互竭晨昏之色養矣遂依彼

道俗入真之素懷早凝此削髮染衣之丹悃繁華照

地雖翫瓊華之粧善根成林偏羨寶樹之影然向

聖靈去年之曆晚夏之天宿霧相冒之後累日弥留

新秋半過之候大暑無歸蘭池施術之功失驗只開

八德池之蓮格臺蒼悲之淚費心忽得九品臺之果

方今楚痛不休周閔欲至因繪當麻寺舅院之一鋪

稱揚法華臺真乘之七部又以依正二報之教文同

合書寫六卷之妙典迴唱法印大和尚位權大僧都

憲基為唱道師人倫之比龍象也義虎振譽群御之

交鷓鴣也依鴈或行青松風報如送金鐘於五峯山

之梵閣黃葉蟬鳴似叩玉磬於二林寺之淨場何況

兩仙洞之促臨幸也忝增齋會之威光三佛院之祈

速證也定鑿慇懃之啓白所修之善巨益有馮加之

或來自苾芻之叢兮詣深草之幽陵或赴于菩薩之

道兮抽寸棘之冲府擇一朝而展法筵擬追實於李

唐上皇之大暮送七夕而添別緒如再會於榆漢初
商之令節哀慟之思雖相同精勤之志是猶勝者歟
然則聖靈法性之山高峙莫偃息于煩惱林之下真
如之水深湛莫逗留于生死海之中必蒼行住坐卧
之惠業宜竊增進轉依之良因乃至一善普及六超
敬白

嘉元三年七月十日弟子菩薩戒庄自性智敬白

草在兼卿

清書 經君卿

料紙同永陽門院如何

夫乘查而昇星河之人猶契歸程於八月之候採藥
而入雲洞之客遂向舊里於七世之孫再會無期者
一往之路永離難忍者分段之卿而已伏惟
前禪定法皇依十善之因為万乘之尊（幼日膺）
帝蘇兮繼金天氏之洪基正元聖曆道 皇圖兮追
黃軒帝之曩蹤具茨神祉之限久誇無何有之樂政
李諮詢之砌專竭仁義禮之誠播聲教於八荒之外
呈德化於九垓之間爰實業漸闢賦有為之卿華驟
空拋入真實之道匪帝願金刹之解脫三明之果位

抑亦慕

白河院以降四代之芳躅者歟難解難入之演說每
朝致轉讀密教顯教之薰修多身積一勤加之臨東
大延曆寺之靈場戒體堂玉就上都淳風坊之梵宮
灌頂飭壇或勤如法寫經之惠業或勵稱名念佛之
懇志万行万善祿修怡修然向去茲三商之大初律
中旬之候辭崑陰之故居遷淨刹之新臺醫瘵不及
萃鵲之方何為神醫如空菊狗之術無益世上寒中
悉懷愴惻之思尊卑臣妾皆斷哀迷之腸就中微眇
身之為繼嗣

新上皇之為嫡孫藩屏亦藩屏 芝砌一芝砌小陽
儲君之備桂宮征夷將軍之守柳營女公主之准三
宮法親王之為無品金枝瓊華之連陰繁華重葉之
交袖面々不耐楚痛一々難述燕弗自忤以降寐思
寤思殷憂之悶賜未慰歲去歲來周辰之抑忘欲滿
嗟于飛藿露脆秋風亭之夕望濕衫老柳而深宿猿
洞之夜淚滴枕每物有情誰不傷嗟何況眇身稟髮
屬於彼遺跡任榮昌於其餘力始握乾斧兮居漢闕
之中後浮虛舟兮卜紛水之陽

太上同碧洞之樓 元子並青石之宮 雖辭万機之
衆務 猶超小量之微 今唯恨尊顏隔而無知 拜觀之
期 德音絕而不聞 思言之形 春葉秋幸 故山之遊
必連仙蓋 月夜雪朝 望長河之興 共動歡襟 春秋幾
逢 不可逢 昔春秋雪月 縱對不可對 昨雪月庭林 何
非反魂樹之種 蘿叢棧隔 忘憂草之名 遮眼觸耳之
事 焦胸摧心之媒也 與從疲鳴咽 不如施報酬 仍排城
南之離宮 祈畏西之覺路 奉圖繪普賢菩薩并十
十羅刹女像一鋪 此像者 翻
先皇平常之御衣 罔願王端嚴之真容

聖靈受持法華之故 崇此尊像 法華值遇
聖靈之故 畫彼羅刹 願係隨喜功德之誓 速證究竟
妙覺之果 矣 奉摸寫素紙墨字 妙法蓮花經一部 八
卷 開結二經 阿彌陀般若 若心等經 奉書寫紺字
金字 稱讚淨土經一卷 此經者 拾尊靈之遺札 用妙
典之新紙 凝府丹之冲襟 兮 字花文 呈宸華之製迹
兮 瑩露默矣 此外 奉書寫扇面 壽量品 普門品 阿彌
陀經 壽量普門者 八軸 無雙之 肝心 阿彌陀經者
九品 往生之日 是也 以
先皇狎手之輕扇 法弟子合掌之疎毫 晉右軍書五

字於金簿唯賞入木之藝湖東王題八字於百園嫌
非貫花之文彼而扇者為生前戲呀之珠玩此三本
者宛覺後蕃提之資糧便擇枝幹之曜宿故儲香花
之世養吸權大僧都法眼和尚位覺守為唱導師驚
驚子之再生振辨才而吐詞十六族之列次咽涕泣
而從事鐸之儼然懿哉鏗矣方今前松後竹之遶簷
也巴蟬鳴而助玉磬之聲籬花林葉之近砌也高颯
度而翻綿幡之色每見地形專叶道儀抑唐室懿宗
皇帝咸通十四年六月不豫同七月晏駕邦家慈寬
刑之德

和朝尊親聖靈嘉元第二年六月不豫又七月晏駕
都鄙恩施惠之仁古今雖異蹤跡相似者或仰願因
繪尊容伏乞摸字經典哀愍徽質之懇萬證明尊儀
之增進佛則普賢十羅刹以智慧力兮新開六浴池
之遵經妙法一乘文以醍醐味兮飽嘗七寶林之
菓凡殿上自蒼々之頂下覃冥々之底遍迴懺除業
障之方便宜施得脫出離之利益敬白

嘉元三年七月十日 太上天皇敬白

院廳

請諷誦事

三寶衆僧御布施麻布三百端

右奉 仰旨

先院聖靈登霞以降愁露未乾九漢之日月如馳一
周之光陰已矣是以叩豈鐘迎秋之逸響凝敷襟意
心大茅洞之中繼恨聖筭於六十二迴之夕霧妙蓮
臺之間定塋尊容於三十二相之夜月乃至群類遍
預餘薰者仍奉仰所修如件敬白

嘉元三年七月十日

別當正二位行權大納

言藤原朝臣公顯

草右衛門督資冬

清書 經尹卿

料紙裏鈍色面白

無薄

十一日辰於伏見殿陽德門院有御佛事資冬奉行
公卿洞院前大納言直衣中御門前中納言曰京極
前中納言曰持明院宰相布衣高倉前宰相直衣殿
上人兼有朝臣東帶公明朝臣曰資冬同源資仲
御導師覺守僧都御布施御導師綾被物七重累物
一題名僧口別綾被物一重累物一及三人人別綾

被物一重所仕三人人別白布三段鐘受二人人別
白布一反佛經已下見御願文

後深草
三女

陽德門院

請識誦事

三寶象僧御布施麻布三百端

右奉 仰備

前禪定法皇辭玉洞之仙居遷金山之佛土以降驚
夏曆之易過悲周辰之欲滿是以因佛寫經凝一心
而致一迴殊僧聞法叩九耳而祈九品生然則寶瓶
者本攸寫也功德水之色遠澄戒珠者早所瑩也菩提
月之光高耀上天下界離苦得樂者奉仰所修如件
敬白

嘉元三年七月十一日

別當從二位行權中納言藤原朝臣兼季

奉

陽德門院

奉圖繪阿彌陀如來像一鋪

奉摸寫淨土三部經七部二十八卷

此內一部者灑

先皇之製迹為色紙仰經王之功力寫華文

九品往生之簡要一代漁說之金言而已

右奉仰備夫與善則報以福故知過去之云為修因
則感以果故見現在之化緣如

先皇者不其然乎伏惟

先皇者德被方外仁遍寰內稟日嗣而

八十七代

本朝神武之餘裔保天業而六十二年隆漢光武之
同齡誠益者道德之所教也遂守謙下之訓說焉居
尊者經史之所載也早儼太上之徽號矣茅仙觀之
花下是命聖遊於一生之歡豫顏姑峯之月前面見

君臨於

二皇之然明倩思子葉孫枝之勝概皆富王花瓊蕊
之佳色然猶不着綺羅之芳崇菩提求果依慕瓔珞
之妙相忍辱降衣佛道之修行積功久凝多幸之懇
地釋門之紹隆懸意殆軼齊代之遺塵讀誦大乘之
持經典也莫不盡精勤顯密兩宗之弘教法也莫不
究真願於是昨茲初秋聖壽有限靈匹無歸涼風慘
慄之窓中蕭條之悲不休矣滿日照耀之臺上蓮華
之開敷無疑焉天人聖衆縱為圍繞之樂舊臣侍女
爭耐傷嗟之心就中弟子為彼遺躅誇其偏愛湖陽

沁水之施湯沐也謙自珍懸之恩波芝砌茅邑之預
封賞也至自茨山之仁嶺諸仙院者賢姊也互抽孔
懷之志唯三宮者尊母也身竭至孝之誠朝暮仁慈
堂兮談往事寤寐臨梵閣兮哭先靈只吞偏孤之
恨雖疫瘴慕媮祈成佛之因欲資報酬方今九高之
景再臻一周之忌已近擊香花於前蘿之強拍丹棘
於中府之信佛則弥陀一鋪之形像擬溫顏兮因尊
容經名淨土三部之教文翻舊札兮摸妙典畫堂之
臨綠水也藍溪之風咽流玉樓之排碧峯也華洞之
雲馮影便嘔壺大僧都法眼和尚位覺守為唱導師

賜紫之侶列襟來自西梵而說法佩朱之卿差肩出
自北闕而從事志之殷勤福豈唐捐昔神堯上皇之
息女公主焉竭百行兮仰厚德兮

光親法皇之息女弟子矣管一善兮思遺恩彼者致
色養於眼前此者資芳緣於夢後然則 聖靈願答
五劫思惟之誓蒙來迎引接之巨益願依万行修練
之功遂出離解脫之勝因凡厥德之不訾及之無際
者奉 仰所修如件敬白

嘉元三年七月十一日

別當從二位行權中納言藤原朝臣兼季奉

草前民部權大輔在仲

清書 伊朝

打命裏悞芳面白

無薄

恒助法親王 十三日
後深草草亭云資冬奉行

今日於伏見殿圓滿院宮被修御佛事云
公卿洞院前大納言 布衣 中御門前中納言 曰法性
寺前中納言 直衣 前平中納言 曰高倉前宰相 曰殿
上人 宗相朝臣 布衣 資冬 曰基仲 布衣 御導 曰憲基
法印 布施 導 師 綾被物 五重 裹物 一 納白布 五段 色
二 布 二 懸子 各十 題名僧 六口 二 別綾被物 一 重
裹物 一 納白布 三段
及 了 分 冬 二 布 十 段 子 細 見 諷 誦 文

無品法親王家

請諷誦事

三寶衆僧御布施麻布百端

右奉 仰仰

後深草法皇初者温孝文帝之賢風來從代邸兮即
天子之尊位後者訪放勳氏之聖日久卜沔懸兮
恣仙輒之樂遊因茲宇宙悉仰有道之化遐迹皆被
渥澤之惠太上兩皇或為子葉或為孫枝 少陽仙
院又為孫枝又為子葉 征夷將軍藩王公主各享
銀潢之餘流併耀瓊苗之芳榮然尚偏願有為分段之

浮生早列年尼覺王之遺弟一乘轉經之窓裏懸心
於圓明之月光三密觀法之床間凝念於勇陀之花
色勤行月積薰修年久於是去茲之曆初秋中旬不
豫氣難霽法遊之駕相催以降四序之運轉如馳一
迴之追福云來方今更就伏見道場之甲勝尊資寂
光國土之往詣迴啜法印大和高位權大僧都憲基
為唱導師吐佛經功能之智弁摠弟子蓄德之旨趣
奉畫繪普賢菩薩并十羅刹女等像一鋪斯像者令
摸文永一周之光規所企畫繪西像之祈誠也奉摺
寫鈔法蓮華經一部八卷斯經者殊以

先皇宸筆之勅書便為妙法寫經之料紙且相當
此追孝雖令遂彼稱揚必為每日讀誦之持經併抽
懇露心神之潔信永為一生之勤修將祈三明之妙
因翻裏則

製衣迤鮮妍也擬拜

光親之慈顏披面亦華文微妙也若禮經王之實語
甚深之志調御哀愍兼復中陰之向丁憂之餘手自
修弘陔三時之護摩殊以資

聖靈六道之勝利欲奉知昇沈專令致祈念之真舊
冬大呂上旬之候俄臨幸此由觀有相示夢相事依

護摩慇懃之追賁得惠累救脫之巨益云々夢中之
芳談難忍覺後之感悅幾多是以自去九日至十六
日限晝夜七箇之光陰自修弥陀三時之護摩此上
又於一座之供養法者約一期可積勤修也近斯覺
會更無懈怠殊勵至誠將累善業抑弟子以至愚
少齡之微質入先師大王之宗室悉稟內緒之附
第已列盤石崇祿且大師聖靈擁護之所致且
先皇聖靈餘慶之所及也憶其恩山之尤高縱歷劫
石爭報盡仰願佛陀拔濟
聖靈々々本斯為兆庶黎元之父母久播諮詢之政

李焉今定接十第如未之賓明宜增等妙之覺果矣
仍送晝霜之逸韻專啓滿月之尊容乃至惠薰遍覃
利益不限者奉仰所修如件敬白

嘉元三年七月十三日

別當法印大和尚位權大僧都圓蒼奉

草文章博士淳乾朝臣

清書 伊朝

十六日辛酉天晴後深草院周閱御正日傳聞傳聞
先有^師月忌公卿士御門大納言大炊御門中納言右
大辨宰相以上東帶為七僧位不參也殿上人兼有朝臣範高御
導師實聽法印

上皇自一昨日御幸仍西院新院遊義門院陽德門
院准后及舊院陪妾等聽聞云々

次七僧法衣院御沙汰資冬奉行堂莊嚴已下每事如去年云

々名香予昨日晨置了依仰也公卿士御門大納言

親定帶大炊御門中納言冬氏別當同定房右大辨宰

相不定資實任朝臣持勢殿上人兼有朝臣加立行秀不立又度者

以御誦經 乾朝朝臣 公家御誦 實文朝臣 同度者遠
 使申次 衡朝臣知尚朝臣源資仲藤為春忠 以上春遠衡朝
 堂童子左方刑部大輔範高少將頭親右方右衛門
 權佐資冬藤原憲孝人 春宮殿 僧名
 誦師 山前大僧正忠源 咒願 山前大僧正公什
 讀師 興法印權大僧都實聰 三禮 寺法印權大僧都 定觀
 唄 山法印權大僧都兼修 真言師資加之
 散花 山法印權大僧都兼修 真言師資加之
 堂達 奇大法師存俊 已講衣

題名僧

法印權大僧都 山性兼 洞 經圓 洞 日源為 日仲覺

法印實修 權大僧都 山俊禪 日承憲

權小僧都 大房兼 山經尋 山圓兼

權律師 真顯俊 山津範 憲俊

御布施 誦師

綾被物五重
絹一裹約五疋
布施一裹
錦一裹約五疋
純色裝束一具約十
色之布三懸各十

六僧已下

各一重一裹

殿儀師二人

各絹裹一

從儀師二人

各紙裹一

施未事

二千疋仙遊事覺一上人
清取下行之

又有免物上卿中御門中納言宗冬職事

侍從雅康輕犯囚三人被原免之

所々御誦經

舊院御誦
經如何定有之

公家院 新院 玄輝門院 遊義門院
永陽門院 永福門院 陽德門院等云々
佛經已下見御願文
草勘解由長官在兼師
清書定兼打紙裹藁芳
面白無薄

敬白

奉修護皆金色款迹如未像一齣

此像者

舊院安置初古佛今度修復為本尊偏慕
聖靈瞻禮之往事定軌毗首造立之新像者歟
奉模寫素紙墨字葦巖經一部六十卷

梵網經二卷

大集經一部三十卷

日藏分十卷

月藏分十卷

本葉瓔珞經二卷

大品般若經一部四十卷

仁王經一卷

妙法蓮華經一部八卷

無量義經一部八卷

觀普賢經一卷

大般涅槃經一部三十六卷

後分二卷

像法決疑經一卷

此經典者為文永例葦巖經內一帙者法皇被

法皇被疑 穀襟二帙者眇身所抽懇緒也
自第三帙至數十帙

新仙洞 諸院宮准后宮法親王前博陸大向
大相國禪門其外前右相府以下舊長禪定一
品以下陪宴上下各；男女次第軸；模寫柳

法華者

玄暉門院逐

大宮仙院之嘉模有真門一部之摺寫笑

奉書寫紺紙金字妙法蓮華經一部八卷

無量義經一卷

觀普賢經 一卷

阿彌陀經 一卷

般若心經 一卷

此經者奉撫

深草先院之御書翻為法華妙典之料紙其一
部首題者皆悉下愚漆跡毫第二卷初段者

新太上皇降 宸筆或有 仙院五々所之

結緣或及准宮一品亦之懇信加之竹園蘭坂

戮志勅誠式書式寫而已

右作善之趣甄錄如辰夫釋迦世尊在世四十餘年

弘經典於軋竺以降
欽明天子治天三十餘迴興佛法於東扶之後五時
五味之演說雖區分不如五部真乘之巨益
先皇先王之規模雖是多無軼

先院聖靈之遺美肆以茲萃氏國中興之學可資彼
金方剎上品之因也伏惟

聖靈合符命於天經配德化於地緯膺錄守文持十
善為衆善之始脫履遁罔蓄万行為高行之存聖猷
之所感通神靈頻事 宗廟社稷之尊崇矣皇明之
所照侔日月久播我朝國尊之光輝焉因茲弘安之

未歲備

帝者之嚴親忝四海欽敬之儀正應之昨曆列狀氏
之遺弟謝万機諮詢之礼早拋馭俗理民之囂喧專
積歸佛施僧之精勤中道南顯之金言凝匪石兮令
讀誦上乘秘密之印手遂入壇兮修護摩朝之寫經
竭多辛之信夜之南法礼滿月之相剎勵化功於草
筆石墨之行廣作善業於松鐘竹磬之響幸淳風坊
之靈場展長時之齋席傳 宣陽門之芳塵南恒例
之講肆二季之惠薰者供花慙座千日之啓白者案
葉逐蹤於南都巖岳而跋雨所戒品之傳受於西郊禪

洞而管七分全得之逆修復有諸寺諸山之致紹降
復有 諸院諸宮之家恩慶復有

新上皇及 西离桂宮之為順孫復有法親王并一
品柳營之為遺胤云恰自左自右上應萬壽之
故遐保寶筭下提百福之故皆挺金貞何況弟子為
其正嫡稟以餘烈纂天統而嚴浩緒之日夙夜莫不
長懼焉用 宸居而謀庶績之時晨昏莫不願向矣
可慣高皇之致拜觀於太公唯思曩跡之奇勝繼比
高祖之讓執務於太宗猶愧眇身之菲薄就中辭鳳
掖兮儼上九之徽號並驚洞兮同方寸之蓄懷昨
導

一人今導 儲皇認守父子之道春歡百花秋歡新

月幸樂神仙之陬歌樓絃閣之興互催天賓奇巖恠
石之望共富風流是則非愚庸之攸鍾為賢教之往
策洪恩之重省攀泰山之千万似至存之深如披孔
丘之廿二章也問聖靈昨年九夏禪容不念慕魏太
武之無解衣帶初高七月仙駕告離迨晉明帝之哭
于瑯琊行莊何在雖特遷化於蓮刹之雲德音難聽
空傷嗚咽於松陵之風轍幸憐些有餘周衣忽焉歛
過方今卜伏見幽閑之地拓並巖清淨之場山又山
崑崙臺之月馮光水猶水汾陽宮之浪送響但眼前
之景趣知甲區之相應延囑七僧以下三十許輩之

方袍模寫五部相並二百餘卷之真文或修復木像
一軀之釋尊或書寫金字一部之妙法以前大僧正
法印大和尚位忠源為唱導師智梵惠集之集于梵
閣也率禪侶兮肩從諸佛如來之來自佛土也伴聖
眾兮影向

太上天皇感道儀而位幸臨於此場

陛下聖王賜度者而修嗟觀於此席宥以刑霜之法
令祈以惠日之哀照加之天枝帝業之與善焉自
茨山至芝至芝砌曾槐茂棘之佐事矣退蓬閣詣蓮
宮模無遮平等之大會行淨施於諸眾救有情非識

之群類及巨益於一切志之鄭重悉以周備吁嗟獻
父上皇之告登霞也改元年兮增悲
禪定先皇之迎忘日也當翌年兮添思脫緣麻於一
迴弥拭秋風滿袂之淚摧丹棘寸誠後夜露温華
之點仰羨佛陁拔濟

聖靈默則

聖靈功德林之植善根也定列七葉樹梢智慧海之
湛清流也宜到三菩提之岸乃至法界普赴覺路敬
白

嘉元三年七月十六日弟子太上天皇 敬白

草勘解由長官在兼卿侍讀

清書定兼

料紙裏蘓芳面白 無薄

院廳

請諷誦事

三寶衆僧御布施麻布三百端

右奉 仰偏

後深草院晏駕無還奉慕難休是以高節再來周閑

忽瑞一代能忍之像述修復讚嘆之詞五部大乘之
教懃模寫供養之儀所祈者蓮臺之紫金也世雄悉
愍所叩者華原之玉磬也晚蟬和聲然則昔是餘六
旬之天算須得佛壽之無量今亦耀三明之月輪定
證妙果之不退砂界塵刹拔苦與樂者奉仰所修如
件敬白

嘉元三年七月

別當正二位行權大納言藤原朝臣公顯奉

次遊義門院 被修御佛事 貴冬 奉行 公卿洞院前
大納言 直衣 中御門中納言 同 前平中納言 曰 大炊
御門中納言 高倉前宰相 直衣 實任朝臣 殿上人兼
有朝臣 範朝朝臣 遠撫朝臣 知尚朝臣 顯親堂童子
範高御導師 覺守僧都 佛經事見御願文 御布施御
導師 綾被物五重 裏物一色色布二懸子各十段 錦
二懸子各五十兩 供米一石代百足 題名僧六口 各
重一裏布一懸子十段 供米三斗

御願文

草在仲 請書經尹卿
料紙裏裏 藪芳百白 無薄

遊義門院

請諷誦事

三寶衆僧御布施麻布施麻布三百端

右奉 仰備

前禪定法皇一期有限忽告九夜之悲四時無苗再
逢三秋之節屬周辰而抽懇丹唯釋子而致啟白彌
陀与妙法整而眼南題之軌儀生死即涅槃資無為
無漏之果位仰願善逝引導 聖靈叩三下兮驚十
方界合六趣到八正路者奉仰所修如件敬白

嘉元三年七月十六日

別當正三位從二位也如何行權中納言藤原朝臣兼李奉

遊義門院

奉圖繪阿彌陀如來像一鋪

奉模寫妙法蓮華經七部五十六卷

無量義經七卷

觀普賢經七卷

阿彌陀經七卷

般若心經七卷

此內一部者以

聖靈之製迹寫妙法之實語不澆之色紙直用其書札表則披貫花之文散金薄於芳縵之間裏而拜垂之點拭紅浹於麻袖之上矣

奉書寫阿彌陀經一卷

同龕宸筆泣洙秋毫雖謝入木之點畫共具法

華之料紙者也

右奉仰稱夫孝者百行之本也貴賤豈忘生積之章死者一往之離也凡聖誰免自然之理每聞先事彌增我悲伏惟前禪定法皇遁地皇氏之浩緒忽辭北闕歸天人師之遺教專凝南謨剝拋繁務於為機

之謔詢偏憑巨益於一乘之受持覺月羨相觀慈光
於五智慧水之上梵風慕習拂旌塵於三解脫門之
中酌法流而傳前白河後白河之舊蹤卜仙境而樂
大茅山小茅山之幽邃何況落髮者

我朝先皇之攸遂焉修逆善於文永之近例灌
頂者

聖代明三者攸行矣寫嘉模於治義之餘芳每朝飭
護摩之密壇長日辰講演之齊席倩思生計之滄業
即為滅罪之精勤然向行辛六旬二迴之秋去歲七月
中旬之候辭無何之區域遷不退之國土伎樂歌

詠之聖衆乘未迎於落日之輝忠勤拜茲之臣士摧
哀慟於懷舊之恨就中弟子忝稟貴積頻誇恩華婦
範是疎雖慙梁武帝之公主后位尤尊謬慣魏文皇
之息女早出椒芳之宮久臨芝英之砌而自備始射
回躡之儀聊離隔禪居從容之礼于晨于昏莫不
通音向矣云云大莫不蒙願斯焉
國母之徽號者

天子之所重也唯陰麗之跡恐坤教之德是匪下愚
之微分併依

先院之餘慶報酬之志寤寐難休於焉空道永離之

憂泣營造賁之善以降改水菽獻羞之思竭香花供
養之誠昨月凝懃懃兮跋如法如說之苑行今日當
周閱兮貨上品上生之覺位佛有光明遍照之誓經
有功德具足之說擬蓮眼於慈顏禮拜而合掌寫華
文於芳札擊讀而銘所權大僧都法眼和尚位覺守
奉懇府之旨趣振富樓之智亦六七輩之衆僧來日
禪師空居二八臣之群卿集于仙人洞上皇助微善兮
臨幸長先行法會兮修營於戲山水之富奇勝也以
泉石而附地形道場之饒莊嚴也叩鐘磬而驚天耳
弟子管領此劾拓以伽藍

聖靈哀納此慈照以寸棘然則東方一万八千之諸
佛感法華值遇之往因西刹二三四五之如來證彌
荼引接之妙果乃至群萌皆預餘薰者奉 仰所修
如件敬白

嘉元三年七月十六日 別當從二位行權中納
言藤原朝臣兼季奉

草在仲

清書經尹卿

御料紙裏襖芳無薄

次留僧三口有臨時結願事
公卿 中御門前
中納言 前平中納言 高倉前宰相

殿上人遠衝朝臣 知尚朝臣 顯親

調聲 憲基法印

御布施 三口口別 一重一裹 色々布一懸子十段

次御所々皆還御但造義門院至來日可經宮々々

五部大衆經

花嚴經

第一帙 常赦名并教

可謂生代取
素能皇字之由被仰
故障也就易可之其面
可為已

第二帙 院
第三帙 新院
第四帙 造義門院
第五帙 永陽門院
第六帙 永福門院
梵網經 陽德門院
大集經
第一帙 聖護院宮
第二帙 仁和寺宮
第三帙 圓滿院宮

後分後法決疑經中納言
第四帙 洞院前大納言
第三帙 堀川大納言
第二帙 前右大臣
第一帙 前白鷹司
涅槃經
云輝門院
法華經 副具經
仁王經 鸞尾二品
第四帙 入道大臣

璿珞 二条 姬宮
日藏分 土御門 姬宮
月藏分 宣旨 三品

二品
二条 二品
一条 二品
一条 后

第三 映
第二 映
第一 映
大品 經

金泥法華經

卷一 院
卷二 新院
卷三 玄輝門院
卷四 遊義門院
卷五 永陽門院
卷六 永福門院
卷七 陽德門院
卷八 圓滿院宮
無量義經 二条 姬宮

親普賢經 准后
心阿弥陀經 一品

七僧法會用途事

佛本尊 千三百足
佛供燈明御誦經物 二百足
佛布施 三十足
一具別千匹被送遺之
七僧法服 七十足

施米 二千足

御布施

講師

被物五重 千七百五十足
例布施一 三百五十足
鈍色裝束 二千足
絹一裹 納五足 千百五十足
綿一裹 納五十兩 六百五十足
色之布三懸子各十段 千五百足
六僧以下廿九口

被物二十九重

二十二重在之

除院御方御分定

不足七重

二千百足

最物二十九

二十二有之

除院御方御分定

不足七

千七百五十足

但凡僧紙最可減也

綱所

絹最二

三百足

紙最二

百三十足

已上二万二千二百五十足

例時御布施

三千足

惣都合二万五千二百五十足

伏見院第三回忌如法經供養御文

日野前大納言卅

夫一切三世之如來雖區分不若寂迦一佛之能化
八万十二之聖教雖是多無軌妙法八軸之真文比
之山之有須弥代獻之巔非喻擬之水之有溟渤呂
梁之底甘從諸佛出世之本懷於三千佛難說之教
也衆生成道之直因於無量生難值之經也就中如
法如說之妙行者最尊最上之巨益也尋盪觴於異
域則起自大蘇山之往事思齊席於我朝亦於自揚
巖院之先蹤云矜云恰可歸可仰者歟伏惟

禪定伏見院聖靈自文永降誕之始至文保登遐之
終察其 御在世卓犖于與古望氣盛瑞表者兆於
克母門之風繼明示高傳嘉模於太子宮之月芝翁
羽翼之成功也飛鶴放兮微隱桓御惟懼之承問也
披鳥篆兮為師暨于天授與善期運應昌比隆漢太
宗文帝之二十三而即位有賢聖仁孝之聞回
本朝寬元明主之二十餘而御俗弘詩書禮樂之道
瓊夢南自君林之芬馥銀潢盛自玉澤之滂流於是
適太統兮備太上守玄元氏之教誠叶宸襟兮施
宸冲富衆 鳴之和語又秀朝風呼月之詞又何飛

雲之點凡厥 宗廟社稷莫不欽敬佛國阿蘭莫不
尊崇何況云涼風防累代之管領去初影堂千日之
講演每朝歸法之勤續

後深草院之行事長日念佛之功憑阿彌荼仙之誓
要再雖素万機之政更不拋万善之薰修早八千一
實之道偏所凝一心之丹誠也遂乃辭汾陽之仙居
遷界西之佛刹促晏駕於抄商嘗節三日之曉類
聖齡於京晉簡文五旬之餘淨土易往者年來之願
願也雖不疑出離解脫之望別路叵忍者世向之常
習也誰不溺悲歎哀慟之淚又有 仙院之在芝砌

或有三宮之准柳腋或有侍女之戀先事或有重臣
之泣遺恩也俗入冥展轉反側就中 帝者之居禮
儀也縱多子孫之例民庶之合傷嗟也殆越父母之
喪矣爰弟子以

先皇之行迹而傳訓教况於六義詩評之觀畢以
先皇之寄託而忝繼嗣况於萬機諮詢之政乎身上
之事且千兮莫非厚德生輝之運甚一兮莫非重恩
早適執務於天下弘恩報贖於閔中今當第三迴之
徬忌偏祈四八相之妙果奉書寫妙法蓮華經二部
十六卷并方便安樂行壽量普門等各一品染其草

華染其石墨教自寫教人書為素紙為墨字其內一
部者自頂戴兮奉納 宗廟石清水之靈壇一部者
同齊持兮奉納御陵法華堂之邃岷又安置四簡要
品奉資

先靈祖皇而已自前方便展席之日普賢振神力而
影向於正懺悔立拳之時經王耀佛身而化現朝々
清淨之信惠日照兮消罪障之霜夜夜精潔之誠梵
風扇兮罷妄想之夢吁嗟哀哉

先皇正和之曆相伴弟子彼修此行悲哉弟子无應
之今奉為

先皇又營此善第宅亭臺者雖相同道場莊嚴其事
草木樹林者雖不替香花供養難論方今掃一葉灑
落之庭開十種供具之砌幡蓋色々添衣笠山之秋
色絃管聲々禱鼓薰宮之春聲不知諸天童子 花
兮成束至歟又不知大衆緊那調琴兮奏音樂歟
大上皇之助道儀也嶺雲並具茨洞之栖焉無上士
之垂降臨也池水側散花洲之影矣霜眉雪印之侶
令講讚月位雲官之容懃軌則 諸仙院皆促 臨
幸准三宮同以結緣加之恤貧乏而垂慈仁救饑窮
而施賑給首唐高宗之喪太宗也竭三年不言之存

行武王慕文王也致三年不易之禮節雖為政李之
至道豈伴法苑之盛力然則若詣四十九重兜率之
淨刹者自外院至內院若遷四十八願安養之寶閣
者自下品託上品抑以此一善餘薰資故三品幽靈
必依阿母勤勞之舊功宜預婦女得脫之巨益乃至
德之有隣及之無際敬白

元應元年八月廿四日太上天皇 敬白

作者前藤大納言俊光卿

清書鷹司前関白殿冬平公

夫聖猷配天日月照四時改息潤率土風雨和万物
生雍熙之化永傳之武之道共盛者乎

伏惟

先皇陛下聰以知遠慈以及私膺茲受罔專致昇平
之德富仁罷義愈中茂世之規爾以降舉明哲賢臣

朝無闕政敬宗廟社稷 宸垂憲章僉曰維呈嵩

呼萬歲之祥惜哉不保堯封三祝之壽龍駕忽去鼎
湖雲空愁蜃轅無蹤射山煙猶冷吁嗟在諸遷而如
瞥早迎一昔回涕泪滴而有餘更悲九月別遺詔豈

忘愁緒消情爰 眇身度齋、儀御赫、祚行有三
代之禮耻不足徵顧雖菲薄之躬強思盡孝勤修必
歷七日念行亦禮六時因茲奉供養寂迦如未舊像
一幅奉摺寫妙法蓮華經一部八卷并開結心阿等
經各一卷更張前大僧正法印大和尚位為 為
唱導師法唱無二舌覆大千辨河奔、波瀾今起陸
地心月皎、光輝益破癡雲于時十蕙一蘭交衆芳
於楚晚千草万木連疎翠於林皋好斯梵場式開淨
域然則

尊靈得安養不退之快樂遊列聖間因法華南頭之

惠薰證賞王果乃至微塵刹土上界下生滯魄沉魄
皆具解脱敬白

永正十七年九月日

陽光院贈太上天皇廿五回忌御願文

菅原為經作

夫靈曜易結義繩豈得繫氣候早矣後閱夏曆
嘆不恒洪鈞斡旋古今通乾者矣伏惟陽光院贈太
上天皇尊靈愛流成海情塵歎山危樞機乎兩儀於
陽克垂象於陰克垂象合光華乎九野此日而不微
此月而不微威行如秋仁行如春八風共烈賢者為

兄愚者為弟百僚以并立章曜於三辰雅藻窮於六
義吁嗟離憂猶昨顰眉拭千方行之淚痕哀惻同今
儂指迎廿五回之聖諱爰

跏身進息追慕退顧微躬謬難握 乾符未傳大孝
於真舜所謂稟 天璽懼資清化於漢明報恩凝丹
誠焉禘嘗修自善矣曰旃奉供養親迎如來尊像一
幅奉摺寫妙法蓮華經一部八卷并開結心阿耨經
此中心經者紺紙金泥誅 宸翰各一卷迺命權僧
正法印大和尚位亮憲為唱導師顯譽藉甚玄氣凜
然道度群生法霈濂而施膏澤行轍先哲惠日昇而

照昏衢寔作淨社之榮何啻會場之重于時下旬殘月
佛前之孤燈增光初秋涼風堂中之三磬加響觸
處自是隨喜茲景寧為尋常然則
尊靈如是相如是緣永採妙果於實地不思善不思
惡須極快樂於覺城速證菩提皆共解脫敬白

慶長十五年七月廿四日

敬白

請諷誦

三寶衆僧御布施

右

陽光院贈太上天皇尊靈登霞之期雖隔歲報恩不
足微逝水之嘆每逢秋帛祭如對在方今為訟修善
追福之志恭嘔讚佛講經之師燒以智見香定取聖
衆之引接扣有逸韻磬可驚諸天之高聽乃至功德
滿虛空迴向得正覺仍諷誦所修如件敬白

慶長十五年七月廿四日 作者菅原為經

院廳

請諷誦事

三寶衆僧佈施

右

先皇聖主自踐三代皇猷之規偏敷八紘帝家之業
文帝文質天子有富武王武仰海內成功正朝廷之列
班續禪苑之芳聯德輝時哉仁風清矣夜月沉溪水
底綠朝日照孤峰頂紅夫願玉詞忽成卅八典媒金
經則濟世三回靈今讀誦薰馨也弥論三除充塞大
千所鳩殊勛專酬遷魂仍訊誦所修如件

天正十七年九月五日

別當從一位行右大臣藤原朝臣晴季奉
後三条左府盡七諷誦文

大外記中原師富料

敬白

請諷誦事

三寶衆僧佈施

右

先公尊儀縮七之忌陰造立東方藥王之尊容祈

如之之妙果啟白西刹教主之靈像報恩謝德之孝
心是猶雖薄少念佛誦經之功力共以應甚深凡厥
舉作善之大旨備迴向之化儀者乎時也回雁叫吳
天兮如傳台靈之書信遊鶯吟梅巷兮似續亡魂之
和歌感物動情觸事催淚方今博山之香薰于邊法
界泗濱之磬撥于盡虛空仰羨佛陀哀愍諸天證明
仍訊誦所修如件敬白

文明十六年正月日 弟子

敬白

正親所院聖忘御願文

五条州

可考

夫一天斯靜羣下戴君日之輝四時克調諸方誇惠
露之澤匪翅布德光於遐邇有猶軼教令之古今者
乎伏惟

正親所院太上天皇尊靈擇本英才博揚仄陋網紀
久治常進伊呂之倫政要厚覃自退蹈躋之賦化育
洪而股肱相倚 聖猷承之根柢深則枝葉扶疏皇
闈累之萬機終不怠大雅重得聰加旃瓊瑤成篇續
以閔昨麟趾絲篁克標和有魚躍鳳吟吁嗟恩山齊
萃嶽之高巖之可仰德海比滄溟之濬洋之巨量爰
眇身宸禮無遠存思罔極受鴻緒永之流愈恐報

酬勤祈驚嶺劫之因偏勵修善志歸茲奉供養款
迦如來尊像一鋪奉摺寫妙法蓮華經一部八卷并
無量義經觀音賢經心阿等經此中心經者紺紙金
字洙宸翰各一卷題命僧正法印大和尚位象盛
為唱導師字門碩匠緇林英雄明星爛胸照戒定慧
之三業怒雷震舌唱漸頌因於一音觀夫嚴寒梅雨
先功德林之春色微霰竹響聞般若臺之風聲觸處
卽是梵音場眼見盡皆佛刹土然則
尊靈因法華南嶺之惠薰矣現應報身獲性蓮清淨
之妙果焉在安樂地九厥黃壤之底蒼天之間速證

菩提皆共解脫敬白

慶長十三年十二月五日

敬白

請諷誦事

三寶衆僧御布施

右

正親町院太上天皇尊靈文祿初曆之窮臘殆寢不
豫床改元次歲之孟春遂告殂落日永別漸維經年
序追思豈式有盡期方今讚玉偈貫華之文祈金臺

極種之品寶薰一辨遍滿安養界中梵磬三聲登答
率陀天上利濟平等得益無邊仍諷誦所修如件

慶長十三年十二月五日 五条州

新上東門院薦先考贈左府修曼陀羅供

願文

清原秀賢州

夫川流不捨晝夜常歎逝者如斯君父則為乾天皆
感生物於是抑有慈愛之火受豈無報酬之至誠伏
惟

先考贈左相府尊儀廉隅潔清氣宇爽邁信存忠
存信不耻乎古賢言願行：願言已絕于當代官並

丞相職備王佐之器量位至用府高冠人臣之班列
惜乎生期既盡命運云來壽踰五旬而五年忌當正
月而正日恰如燭滅又似冰消爰 初准后妃宮詠
閑睢哀窈窕今入姑射洞落雲鬟減艷妝偏為求讚
佛結緣猶堪幕昊天罔極攸憂交而多矣追賁思之
俞焉方今偶迎卅三回遠忌之辰僅整万荼羅化儀
之供因旃奉圖繪供養虛空藏尊像一幅奉摺寫妙
法蓮華經一部八卷并開結兩卷更命 天台座主
二品親王為唱導師緇林杞梓法社棟梁學去浮辭
式闡宗綱之餘齋身無非行不減先德之宏規于時

紅樹葉落山敷蟬娟之錦茵黃菊蒼殘風散清淨之
馥郁何求彼樂邦幸入此佳境然則
尊靈業細破壞忽得無去無來之因心珠光明直造
不生不滅之道乃至自界他界有情非情利益無邊
頓成正覺敬白

慶長十三年十月一日

敬白

請誦誦事

三寶衆僧御布施

右

先考贈左相府尊儀光三十三回分一年轉正月正忌
分一季以應鐘之朔設法施之儀佛像供養結緣得
香集世畀樂曼荼羅修餘善證金臺極種因鳴捷雅
揚清音燒況旛起瑞氣志願皆納回向至心仍誦誦
所修如件敬白

慶長十三年十月一日秀賢卍

大外記清原業忠牒

夫烏兔照臨東西迭移光陰於晝夜燕鴈飛行南北
自定時節于春秋哀哉分段之鄉痛乎無常之境伏
惟先考權大僧都法印大和尚位者台嶺之淨侶
洛陽之富翁也抱恩怨之情哀此惇獨致貨殖之積
宜其虛象守志於桑門之風孰交於蘭省之月大小
之勤莫不經過巨細之事只先了寧然問去辛仲春
之天二月下旬之候化緣空盡冥冥之途阻且長周
忌早來哀哀之淚流多落愁而罔極悲而有餘眼前
之敬養素意雖似疎沒後之追賁幽思尤以切仍營

如、善根聊捧種、寶花奉頌寫妙法蓮華經一部
奉講談同妙典一部奉勤修如法如說妙行加之飯
菜諷經風爐等也方今唯法勝之前任為啟白之導
師懇府之詞耀戒珠懸河之辨磨智鏡時也沉鸞嚙
兮恰添梵唄之響落梅飄兮暗飭香奩之粧節物自
然感懷相促者歟仰冀三觀妙理一乘真文各顯功
能滿果位然則幽靈速泛慈航何況生死海之波永
轉法輪豈迷菩提場之路凡厥功德不限利益無邊
敬白

永享五年二月廿四日

弟子大法師康尊敬白

菅原益長拜

敬白

奉讚嘆胎藏金剛兩部曼陀羅

奉造立阿彌陀如來尊像一體

奉摺寫妙法蓮華經五部

此內三部者翻遺書用紙

奉摺寫遺札裏阿彌陀羅經二卷心經一卷

奉書寫率都婆面妙法蓮華經十三部

此內一部者有具經同面尊勝并千手寶篋
印等陀羅尼各一遍

奉勤行五旬之間五種妙行光明真言行法不
動護摩各每日一座尊勝行法五十六座阿
彌陀行法四十八座廿五三昧七座往生講
追善講各七座地藏講十二座尊勝淨水法
一座

奉自修地藏講廿一座

奉讀誦阿彌陀經三百卷

奉圖繪幽靈影像一幅

此外中陰之間晝夜不斷念佛

右所鳩之善甄錄如斯夫法身清淨猶未免去來幻
質沉浮豈能無生死百千萬端事恰是夢四十九日
忌忽而臻伏惟先師僧正尊靈聰明全備顯密功成
德山崎嶇如天柱之出衆嶽智水洋溢若滄溟之湛
百川雄辯拔群屢應嚴重之公請英才蓋世累預登
用之 敷賞橫川長吏擅殊禪之誓上網僧官浴不
次之恩寔是釋門之金瓶吾道之水鐸惜哉僅保四
旬未滿之壽空示一生掩光之期於戲北叱煙溼寄
瞻望於真處東山雲暮追去跡於何方爰弟子委附

思深報酬志厚內存親族之禮外忝師資之儀因茲
賁金剛胎藏之容檀修佛像經典之微善迺囑僧正
法印大和尚位為大阿闍梨耶詞源袞々五智之水
翻九河法界明々兩部之月照六合觀夫庭敷萱葉
散閭浮檀金之施地拂青苔曳僧伽梨衣之步法事
克備靈鑿豈空然則尊靈聖眼非遙照梵場之法
會佛身不動曉分化臺之妙觀歎厥曼荼羅餘薰覺
業無數敬白

文安四年十月廿九日

佛子阿闍梨

敬白

敬白

讀諷誦事

三寶衆僧御布施

右光師尊靈五旬之光陰欲盈數日之白善差種摸
寫中道之妙典稱揚兩界之諸尊仰可洪慈俯伸哀
悃方今鳴和霜之逸音祈滿月之覺位乃至群類巨
益平均仍訊誦所修如件敬白

文安四年十月廿九日 弟子阿闍梨 敬白

後福照院五旬經供養訊誦文

大外記業忠州

敬白

讀訊誦事

三寶衆僧御布施

右奉為後福照院殿下聖靈佛果增進所修如件去
月壬申肱臨大漸命終之節唱光明遍照之文卽坐
之容儀可觀來世之解脫有識爰弟子出東閩之黃
闔赴北嶺之鐵扉以降不問清溫如忘拊育洪恩湛
於溟海至德高於霄霄無抒追孝之誠何表回腸之
思今當七、之忌景謹植、之善根奉勤修五種

行奉書寫率都婆面妙法蓮華經六部奉漸寫同經
二部奉摺寫同經一部奉漸寫淨土三部經一部新
圖御影一幅此外條之行法若箇座一晝夜不斷先
明真言尊勝淨水并曼陀羅供各一座顯密教乘真
因新研深理正等菩提覺果速滿自證時也六出勝
君兩天華以獻妙供三鳴鳧氏叩願鐘以驚高聽然
則幽儀移激玉亭畔之遊早入功德池之勝境迴梅
香軒下之樂須臾莊嚴拭之淨臺凡厥餘薰所覃利
益無限敬白

文安二年十二月日佛子

敬白

普廣院殿 三十三回忌願文

菅原益長州

呂望周帝師也輔武三顯至德韓信漢仁傑池隨高
祖揚大功追念先公彷彿兩哲者乎
伏惟

贈大相國一品尊靈仁厚繼佩勇氣承奉職辱股肱
救民於塗炭官兼將相致君於唐虞七德無虧復升
平土宇五兵永戢拔妖孽根源旌旗輝于闕裏之時
衆類誓賴鼓鼙震於鎮西之日凶徒革心四夷畏威
惜哉革命歲祖暑天辭柳營華亭遷安養

淨刹鳴呼往而不留厚夜之路 而不返逝水之流
也萬生而泣非民留歎弟子愁繼父祖之芳蹤猥居
文武之兼職才劣力薄不獲退敵安民寐愁寤悲唯
思放牛歸馬矣方今迎卅三回忌辰修讚佛讚經惠
業奉彫刻寂迦如來三尊像奉摺寫妙法蓮華經一
部八卷南結心阿等經奉繕寫同經若干部奉勤行
圓通妙懺一座奉勤修水陸供一會其外就禪家設
齋會屈衲衣寫真詮粗摹其大綱吁世上擾亂未休
床庫中貨財漸罄有志無果弟子省身竊傷尊靈宜
無照鑒迺命權大僧都 為唱導師胸羅星宿舌

湧波瀾佛家棟梁救門龍象也觀夫 晚涼動時火
宅變成清淨境界夕陽照處梵宇新添微妙莊嚴向
此美景修彼良因幽儀定舍笑然則八解六通心地
印三身四智體中圓乃至沙界群類拔濟

文明五年六月廿四日

征夷大將軍

敬白

右願文集貞享乙丑仲夏初二日以伏見家本寫焉



